

Sierninger Tanzherrn Rud

Rudenkirtag Sierning Faschingdienstag 21.2.2023



<p>A „Griaß Gott“ dem Publikum, ban Pfist Lois rennts grad dumm! unlängst triafft sein BMW, vom Kirchturm oaba – Eis und Schnee. Er halt selm, so wird verzöhlt, sein Goam so deppert zuwie g'stellt! Dö Pfar' kimmt jetzt für'n Schaden auf, Da Lois legt bei da Orgel drauf!</p>	<p>Dem neich'n Oberhaupt va Siagn, dan'ma jetzt glei' gratulier'n! Da Kerbl is jetzt Buagamoasta, er is sportlich und koa Foasta. Macht sei' Amt mit Leidenschaft, nur Vortrag'n kost' eam ziemli' Kraft! Jedenfalls is net so bled, wann g'statt eahm wer anders red't!</p>
<p>Da Rudenobmann Bert Hundsberger, is jetzt neicha Ehrenbürger! Er hat Handschlagqualität, denkt zerscht nach bevor a red't. Is ban Gehn net grad da Schnella, auf da G'moa is er da Hella! Der Kapazunda hat a G'wicht, des woas ma glei, wann man sicht.</p>	<p>Ban Dietachmoa Koarl frang si' d'Leit, ob eahm die Rent'n wirkli' gfreit. Er steht allweil nu im Saft, woaß net wohin mit seiner Kraft. Arbeit gibt's jetzt nimma vü', so braucht er a neichs Ventü'. Hoffentlich is nix vastopft, wanns ban Druck-a-lass'n tropft.</p>
<p>Ön Matzelsdorf ban Nöbaun Gust, kannst Bauer sein – ohne Frust. An Stad'l voller Landmaschinen, lasst ön Bulla guat verdienen! Van Ackerbau kann des net sei, der bringt sovü' - g'wiß net ei'. S'Geld kimmt eina so wia's Heu, vom Radarkasten – der is neu!</p>	<p>Bei Entscheidungen a G'schwinde is' vom Hofer dö Gerlinde! Ean Hund so alt dass die schaudert, hat da Sepp wieda zaudert. Er sinniert, weil's eam scho quält, aba s'Einschlaffan kost' Geld. Daweil ihr Maun nu lamentiert, hat Sie ön Hund schon dafiert.</p>
<p>Beim Sturl da herinn' in Siagn. tans dös Scheißhaus renoviern. Sein Weiberl ganz ungestühm, hat eahm sauba d'Reaf antrieb'n. Da Flor' pariert als braver Mann, sonst war sie auf und davon. Beim Häuslsitzen is' jetzt warm, so kann ma D'Scheidung si' daspoarn!</p>	<p>Da Strasser Hannes und sei Frau, sie machan ois ganz genau. Gleiches E-Bike gleiches G'wand, da san all zwoa fesch beinand. Bei oana Tour mit solche Rad'l, da kriegst ja g'wiß' stramme Wad'l. Do' dö Fahrt dö war bald goa, weil da Hintern offa war.</p>
<p>Ön Notar Mursch-Edlmayr, dem is wirkli' nix zu teuer. Feiner Zwirn und Ledersohle, Führerscheinenzug kost' Kohle. Mir rat'n dir: kauf' d'Seilergass'n, so hast du dei' ei'gne Strass'n! Dann kannst wia a Junger flitz'n, ohne dass di' dabei blitz'n!</p>	<p>Da ön Siagn dös is net glogn, wird dö G'meindegrenz' vaschobn. Ma g'spiats ganz drent'n da im Ost'n, stangan zwoa scho auf ean Post'n. Halusa Reini - ja so hoast'a - wird da Ostn Buagamoasta, da oide Schirl - ganz schoarf - wird da Putin z'Loibasdoarf.</p>

Ban Hofmoa is's a schwarer Fall,
san D'Manna in da Unterzahl.
Nebm 5 Weiberleit' im Haus,
halt's da Igi nimma aus!
A männlichs Hundsviech muaß jetzt her,
sonst leid't sei Stolz allweil mehr.
Do' ön Hund ham's glei' kastriert.
Pass auf, dass dir des net passiert!

Da Rauchfangkehrer Feger,
is normal gar koa Bleda!
Möcht' sei Weiberl offerier'n,
tuat's wasch'n, schneitz'n und polier'n.
Fred was für Surm bist'n du:
s' Vakafa geht net im Nu!
Du hast'as jahrelang varuaßt,
dass das selber kalt'n muaßt.

Da Hofer Sepp mit'n E-Mobü,
fährt zan Wirt und sauft recht vü.
Nach 6 Halbe kriegt er Angst,
dass oft stengan und eam daglaungds.
Drum ruaft er an sei Maid aus Pol'n,
red't was van Blas'n und van Hol'n!
Sie lasst'n sitz'n denn armen Kampi,
weil da Sepp is allweil gampi!

Geht ma am Freita' durch Siagn,
siagst Vorstadtweiba spoziern:
Blonde Mähne, straffer Bus'n,
mancha möcht mit eahna schmus'n.
Doch was aufschmier'n, dö Woacht'In,
muaßt halt z'erscht aba spoacht'In.
Ohne Schmier' is a net g'scheita ...
... jetzt sing'n ma aber nimma weiter!